



24 ოქტომბერი, 2022

22/09/03-102

საქართველოს პრემიერ მინისტრს

ადმინისტრაციული საჩივრის ავტორი:
ა(ა)იპ „მწვანე ალტერნატივა“ (ს/კ: 204952676)

ადმინისტრაციული საჩივარი

გასაჩივრებული ქმედება:

საქართველოს მთავრობის ადმინისტრაციის საჯარო ინფორმაციის გაცემაზე პასუხისმგებელ პირის უარი (ვირტუალური ქმედება, რეალაქტი) ა(ა)იპ „მწვანე ალტერნატივას“ 2022 წლის 14 სექტემბრის №22/09/03-93 განცხადებით მოთხოვნილი საჯარო ინფორმაციის გაცემის შესახებ.

ადმინისტრაციული საჩივრის მოთხოვნა:

ბათილად იქნეს ცნობილი საქართველოს მთავრობის ადმინისტრაციის საჯარო ინფორმაციის გაცემაზე პასუხისმგებელი პირის უარი (ვირტუალური) მოთხოვნილი საჯარო ინფორმაციის გადმოცემის შესახებ და დაევალოს საქართველოს მთავრობის ადმინისტრაციის საჯარო ინფორმაციის გაცემაზე პასუხისმგებელ პირს „მწვანე ალტერნატივას“ 2022 წლის 14 სექტემბრის №22/09/03-93 განცხადებით მოთხოვნილი საჯარო ინფორმაციის გაცემა.

გარემოებანი, რომელსაც ეფუძნება საჩივრის მოთხოვნა:

1. ა(ა)იპ „მწვანე ალტერნატივამ“ 2022 წლის 14 სექტემბერს №22/09/03-93 განცხადებით მიმართა - საქართველოს მთავრობის ადმინისტრაციის საჯარო ინფორმაციის გაცემაზე პასუხისმგებელ პირს და მოითხოვა: საქართველოს მთავრობის 2022 წლის 10 ივნისის №1016 განკარგულების საფუძველზე, 2022 წლის მარტში ჭიათურის მუნიციპალიტეტის სოფელ ითხვისში განვითარებული გეოდინამიკური პროცესების გამომწვევი მიზეზების დადგენისა და სტიქიის არეალში მოქცეული საკარმიდამო ნაკვეთებისა და საცხოვრებელი სახლების საცხოვრებელი სახლების იდენტიფიცირების მიზნით შექმნილი უწყებათაშორისი კომისიის მიერ საქართველოს მთავრობისათვის წარდგენილი საქმიანობის ანგარიშებისა და კომისიის საქმიანობასთან დაკავშირებული ყველა დოკუმენტის ასლის გადმოცემა.

ზემოაღნიშნული განცხადებით მოთხოვნილი საჯარო ინფორმაცია განმცხადებელს დღემდე არ გადმოსცემია.

მტკიცებულება:

დანართი #1. - ა(ა)იპ "მწვანე ალტერნატივას" 2022 წლის 14 სექტემბრის №22/09/03-93 წერილი.

საჩივრის სამართლებრივი საფუძვლები:

1. სზაკ-ის 2.1 მუხლის "ა" ქვეპუნქტის თანახმად, ადმინისტრაციული ორგანო არის ყველა სახელმწიფო ან ადგილობრივი თვითმმართველობის ორგანო ან დაწესებულება, საჯარო სამართლის იურიდიული პირი (გარდა პოლიტიკური და რელიგიური გაერთიანებებისა), აგრეთვე ნებისმიერი სხვა პირი, რომელიც საქართველოს კანონმდებლობის საფუძველზე ასრულებს საჯარო სამართლებრივ უფლებამოსილებებს. მაშასადამე, საქართველოს მთავრობის ადმინისტრაცია წარმოადგენს ადმინისტრაციულ ორგანოს, რომელზეც ამავე კოდექსის მე-3 მუხლის თანახმად ვრცელდება ზოგადი ადმინისტრაციული კოდექსის დებულებანი.

2. საქართველოს ზოგადი ადმინისტრაციული კოდექსის მე-40 მუხლით ადმინისტრაციული ორგანოსათვის დაკისრებული ვალდებულების შესრულება არ გულისხმობს ინდივიდუალური ადმინისტრაციულ-სამართლებრივი აქტის გამოცემას. ამავე კოდექსის 2.1 მუხლის თანახმად, ინდივიდუალური ადმინისტრაციულ-სამართლებრივი აქტი არის ადმინისტრაციული ორგანოს მიერ ადმინისტრაციული კანონმდებლობის საფუძველზე გამოცემული ინდივიდუალური სამართლებრივი აქტი, რომელიც აწესებს, ცვლის, წყვეტს ან ადასტურებს პირის ან პირთა შეზღუდული წრის უფლებებსა და მოვალეობებს. მოცემულ შემთხვევაში ადმინისტრაციული ორგანოს გადაწყვეტილება – უარი საჯარო ინფორმაციის გადმოცემაზე არ აწესებს, არ ცვლის, არ წყვეტს და არ ადასტურებს პირის ან პირთა შეზღუდული წრის უფლებებსა და მოვალეობებს. (ინდივიდუალური ადმინისტრაციულ-სამართლებრივი აქტის ერთ-ერთი ძირითადი ელემენტი).

მაშასადამე, აღნიშნული გადაწყვეტილება (საჯარო ინფორმაციის გაცემაზე უარი „ვირტუალური რეალაქტი“) ფორმალურ-სამართლებრივი თვალსაზრისით წარმოადგენს არა ადმინისტრაციულ-სამართლებრივ აქტს, არამედ ადმინისტრაციული ორგანოს მიერ განხორციელებულ ისეთ ქმედებას, რომელიც არ გულისხმობს ადმინისტრაციულ-სამართლებრივი აქტის გამოცემას ანუ სახეზეა რეალაქტი, რომელიც გამოიხატა ადმინისტრაციული ორგანოს უმოქმედობაში, მის მიერ საჯარო უფლებამოსილების კანონდარღვევით განხორციელებაში, რაც სზაკ-ის 5.1 მუხლის შესაბამისად დაუშვებელია.

3. სზაკ-ის 178.1 მუხლის თანახმად, თუ კანონით ან მის საფუძველზე გამოცემული კანონქვემდებარე აქტით სხვა რამ არ არის დადგენილი, ადმინისტრაციულ საჩივარს განიხილავს და გადაწყვეტს ადმინისტრაციულ-სამართლებრივი აქტის გამომცემი ადმინისტრაციული ორგანო, თუ იქ არსებობს ადმინისტრაციულ-სამართლებრივი აქტის გამომცემი თანამდებობის პირის ან სტრუქტურული ქვედანაყოფის ზემდგომი თანამდებობის პირი. განსახილველ შემთხვევაში იმის გათვალისწინებით, რომ ა(ა)იპ „მწვანე ალტერნატივას“ მიერ საჯარო ინფორმაცია გამოთხოვილია და შესაბამისად პასუხი („ვირტუალური“ უარი, რეალაქტი) გაცემულია საქართველოს მთავრობის ადმინისტრაციის საჯარო ინფორმაციის გაცემაზე პასუხისმგებელი პირის მიერ, რომლის ზემდგომ თანამდებობის პირს წარმოადგენს საქართველოს პრემიერ მინისტრი, ადმინისტრაციული საჩივრის განხილვაზე უფლებამოსილ პირს წარმოადგენს სწორედ საქართველოს პრემიერ მინისტრი.

4. ადმინისტრაციულმა ორგანომ დაარღვია: ა) ადამიანის უფლებათა ევროპული კონვენციის მე-10 მუხლი, რომლის თანახმად ყველას აქვს გამოხატვის თავისუფლება. ეს უფლება მოიცავს ადამიანის თავისუფლებას ჰქონდეს მოსაზრებანი, მიიღოს და გაავრცელოს ინფორმაცია და იდეები. ბ) საქართველოს კონსტიტუციის 24-ე მუხლი, რომლის თანახმად ყოველ ადამიანს აქვს უფლება თავისუფლად მიიღოს და გაავრცელოს ინფორმაცია, გამოთქვას და გაავრცელოს თავისი აზრი ზეპირად, წერილობით ან სხვა საშუალებით.

5. საქართველოს კონსტიტუციის 41-ე მუხლის თანახმად, ყოველ მოქალაქეს აქვს უფლება კანონით დადგენილი წესით გაეცნოს სახელმწიფო დაწესებულებაში მასზე არსებულ ინფორმაციას, აგრეთვე იქ დაცულ სხვა ოფიციალურ დოკუმენტს, თუ ისინი არ შეიცავს სახელმწიფო, პროფესიულ ან კომერციულ საიდუმლოებას. ა(ა)იპ „მწვანე ალტერნატივას“ მიერ მოთხოვნილი ინფორმაცია წარმოადგენს საჯარო ინფორმაციას, რომელიც არ განეკუთვნება სახელმწიფო, პროფესიულ და კომერციულ საიდუმლოებას. შესაბამისად, საქართველოს მთავრობის ადმინისტრაციის საჯარო ინფორმაციის გაცემაზე პასუხისმგებელი პირის უარი საჯარო ინფორმაციის გაცემაზე უარის თქმის შესახებ უკანონოა.

6. სზაკ-ის 41.2 მუხლის თანახმად, საჯარო ინფორმაციის გაცემაზე უარის თქმის შემთხვევაში საჯარო დაწესებულება ვალდებულია გადაწყვეტილების მიღებიდან 3 დღის ვადაში პირს წერილობით განუმარტოს მისი უფლებები და გასაჩივრების წესი, ასევე მიუთითოს ის სტრუქტურული ქვედანაყოფი ან საჯარო დაწესებულება, რომელთანაც წარმოებდა კონსულტაცია ინფორმაციის გაცემაზე უარის თქმის გადაწყვეტილების მიღებისას. სზაკ-ის 5.1, 96-ე და 41-ე მუხლებით დადგენილია ადმინისტრაციული ორგანოს ვალდებულება ინფორმაციის გაცემაზე უარის თქმის შესახებ მიიღოს დასაბუთებული გადაწყვეტილება და აწარმოოს საჭირო კონსულტაციები შესაბამის სტრუქტურულ ქვედანაყოფებთან ან/და საჯარო დაწესებულებებთან, რაც ადმინისტრაციულმა ორგანომ არ შეასრულა. მოცემულ შემთხვევაში ადმინისტრაციულმა ორგანომ მოქმედი კანონმდებლობის უხეში დარღვევით და უგულვებელყოფით არ დააკმაყოფილა ა(ა)იპ „მწვანე ალტერნატივას“ განცხადება საჯარო ინფორმაციის გაცემის შესახებ.

სზაკ-ის 177.3 მუხლის თანახმად, ადმინისტრაციული ორგანოს ქმედება, რომელიც არ არის დაკავშირებული ადმინისტრაციულ-სამართლებრივი აქტის გამოცემასთან საჩივრდება ამ თავით (სზაკ-ის XIII თავი) დადგენილი წესით, მაშასადამე ერთი თვის ვადაში.

წარმოდგენილი ადმინისტრაციული საჩივარი აკმაყოფილებს ზოგადი ადმინისტრაციული კოდექსით დადგენილ მოთხოვნებს, დაცულია ამ კოდექსის 181-ე მუხლით გათვალისწინებული საჩივრის ფორმა, მისი წარდგენის კანონით გათვალისწინებული 30 დღიანი ვადა (გასაჩივრებული ქმედება - „ვირტუალური“ უარი ანუ რეალაქტი საჯარო ინფორმაციის გაცემაზე სახეზეა 2022 წლის 24 სექტემბერს, რადგანაც ა(ა)იპ „მწვანე ალტერნატივას“ მიერ საჯარო ინფორმაცია გამოთხოვილია 2022 წლის 14 სექტემბრის №22/09/03-93 წერილით). არ არსებობს ამავე კოდექსის 182-ე მუხლით დადგენილი ადმინისტრაციული საჩივრის მიღებაზე უარის თქმის საფუძვლები, ადმინისტრაციული საჩივარი წარმოდგენილია უფლებამოსილ ორგანოში, რის საფუძველზეც გთხოვთ:

1. მიიღოთ ადმინისტრაციული საჩივარი წარმოებაში;
2. განიხილოთ ადმინისტრაციული საჩივარი ზეპირი მოსმენით საჩივრის შემომტანი პირის აუცილებელი მონაწილეობით;
3. ბათილად იქნეს ცნობილი - საქართველოს მთავრობის ადმინისტრაციის საჯარო ინფორმაციის გაცემაზე პასუხისმგებელ პირის უარი (ვირტუალური) მოთხოვნილი საჯარო ინფორმაციის გადმოცემის შესახებ; და
4. დაევალოს საქართველოს მთავრობის ადმინისტრაციის საჯარო ინფორმაციის გაცემაზე პასუხისმგებელ პირს ა(ა)იპ „მწვანე ალტერნატივას“ 2022 წლის 14 სექტემბრის №22/09/03-93 განცხადებით მოთხოვნილი საჯარო ინფორმაციის გაცემა.

საჩივარზე დართული დოკუმენტების ნუსხა:

1. ა(ა)იპ „მწვანე ალტერნატივას“ 2022 წლის 14 სექტემბრის №22/09/03-93 წერილი (განცხადება) - 1 ფურცელი;
2. ა(ა)იპ „მწვანე ალტერნატივას“ ამონაწერი სამეწარმეო რეესტრიდან - 2 ფურცელი;
3. რწმუნებულებები - 2 ფურცელი.

დანართი სულ: 5 ფურცელი.

ადმინისტრაციული საჩივრის ავტორი
ნინო გუჯარაიძე
აღმასრულებელი დირექტორი





მწვანე ალტერნატივა

თბილისი, 0179, ფალიაშვილის 39ბ, IV სართ.
ტელ.: (+99532) 222 38 74
greenalt@greenalt.org
www.greenalt.org

14 სექტემბერი, 2022

№ 22/09/03-93

საქართველოს მთავრობის ადმინისტრაციის
საჯარო ინფორმაციის გაცემაზე პასუხისმგებელ პირს
მთავრობის ადმინისტრაციის იურიდიული დეპარტამენტის უფროსს
ქალბატონ სოფიო სიჭინავას

ქალბატონო სოფიო,

გთხოვთ, გადმოგვცეთ საქართველოს მთავრობის 2022 წლის 10 ივნისის №1016 განკარგულების საფუძველზე, 2022 წლის მარტში ქიათურის მუნიციპალიტეტის სოფელ ითხვისში განვითარებული გეოდინამიკური პროცესების გამომწვევი მიზეზების დადგენისა და სტიქიის არეალში მოქცეული საკარმიდამო ნაკვეთებისა და საცხოვრებელი სახლების საცხოვრებელი სახლების იდენტიფიცირების მიზნით შექმნილი უწყებათაშორისი კომისიის მიერ საქართველოს მთავრობისათვის წარდგენილი საქმიანობის ანგარიშებისა და კომისიის საქმიანობასთან დაკავშირებული ყველა დოკუმენტის ასლი.

წინასწარ გიხდით მადლობას თანამშრომლობისათვის.

პატივისცემით,

ნინო გუჯარაიძე

აღმასრულებელი დირექტორი



**ამონაწერი მეწარმეთა და არასამეწარმეო
(არაკომერციული) იურიდიული პირების
რეესტრიდან**

განაცხადის რეგისტრაციის ნომერი, მომზადების თარიღი: B20087988, 28/10/2020 15:57:37

სუბიექტი

საფირმო სახელწოდება: მწვანე ალტერნატივა
სამართლებრივი ფორმა: არასამეწარმეო (არაკომერციული) იურიდიული პირი
საიდენტიფიკაციო ნომერი: 204952676
რეგისტრაციის ნომერი, თარიღი: 5/9-332; 31/07/2000
მარეგისტრირებული ორგანო: ვაკე-საბურთალოს რაიონული სასამ
იურიდიული მისამართი: საქართველო, თბილისი, ვაკის რაიონი, ჭავჭავაძის გამზ., №62, ბ. 62

**ინფორმაცია ლიკვიდაციის/ რეორგანიზაციის/ გადახდისუნარიობის პროცესის
მიმდინარეობის შესახებ**

რეგისტრირებული არ არის

მმართველობის ორგანო

- გამგეობა
თავმჯდომარე/წევრი: მანანა ქოჩლაძე, 01008010619
წევრი: ნინო ახობაძე, 01008005571
წევრი: ნინო გუჯარაძე, 01015010047
- საერთო კრება

ხელმძღვანელობა/ნარმომადგენლობა

- გამგეობის თავმჯდომარე - მანანა ქოჩლაძე, 01008010619

ყადაღა/აკრძალვა

რეგისტრირებული არ არის

საგადასახადო გირავნობა/იპოთეკის უფლება

რეგისტრირებული არ არის

მოძრავ ნივთებსა და არამატერიალურ ქონებრივ სიკეთეზე გირავნობა/ლიზინგის უფლება

რეგისტრირებული არ არის

მოვალეთა რეესტრი

რეგისტრირებული არ არის

-
- დოკუმენტის ნამდვილობის გადამოწმება შესაძლებელია საჯარო რეესტრის ეროვნული სააგენტოს ოფიციალურ ვებ-გვერდზე www.napr.gov.ge;
 - ამონაწერის მიღება შესაძლებელია ვებ-გვერდზე www.napr.gov.ge , ნებისმიერ ტერიტორიულ სარეგისტრაციო სამსახურში, იუსტიციის სახლებსა და სააგენტოს ავტორიზებულ პირებთან;
 - ამონაწერში ტექნიკური ხარვეზის აღმოჩენის შემთხვევაში დაგვიკავშირდით: 2 405405 ან პირადად შეავსეთ განაცხადი ვებ-გვერდზე;
 - კონსულტაციის მიღება შესაძლებელია იუსტიციის სახლის ცხელ ხაზზე 2 405405;
 - საჯარო რეესტრის თანამშრომელთა მხრიდან უკანონო ქმედების შემთხვევაში დაგვიკავშირდით ცხელ ხაზზე: 08 009 009 09
 - თქვენთვის საინტერესო ნებისმიერ საკითხთან დაკავშირებით მოგვწერეთ ელ-ფოსტით: info@napr.gov.ge



25 მარტი, 2021 წ.

მინდობილობა

არასამეწარმეო (არაკომერციული) იურიდიული პირის “მწვანე ალტერნატივა” (რეგისტრირებული ქ. თბილისი ვაკე-საბურთალოს რაიონული სასამართლოს 2000 წლის 31 ივლისის დადგენილებით, რეგისტრაციის #5/9-332, რომლის იურიდიული მისამართია ქ. თბილისი, ჭავჭავაძის გამზ. 62, ს/კ 204952676) თავმჯდომარე მანანა ქოჩლაძე ამ მინდობილობას აძლევს ირმა მახათაძეს (დაბადებული 1963 წლის 11 აგვისტოს; პირადი ნომერი: 18001007618) რათა მან დაიცვას ორგანიზაციის ინტერესები ყველა ინსტანციის სასამართლოში, ფიზიკურ და იურიდიულ პირებთან, სახელმწიფო დაწესებულებებთან ურთიერთობაში, აწარმოოს სამოქალაქო და ადმინისტრაციული საქმეები, შეიტანოს განცხადებები, სარჩელები, საჩივრები, კერძო საჩივრები, სააპელაციო, საკასაციო და საკონსტიტუციო საჩივრები, ცნოს ან უარყოს მთლიანად ან ნაწილობრივ სასარჩელო მოთხოვნა, უარი თქვას სარჩელის დაკმაყოფილებაზე, შეცვალოს სარჩელის საგანი, საქმე დაამთავროს მორიგებით, აღსასრულებლად წარადგინოს სააღსრულებო ფურცელი, ხელი მოაწეროს ორგანიზაციის სახელით ყველა საჭირო დოკუმენტს.

მინდობილობა ძალაშია დღეიდან და მოქმედებს უვადოდ.

მანანა ქოჩლაძე

გამგეობის თავმჯდომარე
ა(ა)იპ „მწვანე ალტერნატივა“



25 მარტი, 2021 წ.

მინდობილობა

არასამეწარმეო (არაკომერციული) იურიდიული პირის “მწვანე ალტერნატივას” (რეგისტრირებული ქ. თბილისი ვაკე-საბურთალოს რაიონული სასამართლოს 2000 წლის 31 ივლისის დადგენილებით, რეგისტრაციის #5/9-332, რომლის იურიდიული მისამართია ქ. თბილისი, ჭავჭავაძის გამზ. 62, ს/კ 204952676) გამგეობის თავმჯდომარე მანანა ქოჩლაძე ამ მინდობილობას აძლევს გამგეობის წევრს - ნინო გუჯარაიძეს (დაბადებული 1975 წლის 12 თებერვალს, პირადი ნომერი 01015010047) რათა მან დაიცვას ორგანიზაციის ინტერესები ყველა ინსტანციის სასამართლოში, ფიზიკურ და იურიდიულ პირებთან, სახელმწიფო დაწესებულებებთან ურთიერთობაში, აწარმოოს სამოქალაქო და ადმინისტრაციული საქმეები, შეიტანოს განცხადებები, სარჩელები, საჩივრები, კერძო საჩივრები, სააპელაციო, საკასაციო, საკონსტიტუციო საჩივრები, ცნოს ან უარყოს მთლიანად ან ნაწილობრივ სასარჩელო მოთხოვნა, უარი თქვას სარჩელის დაკმაყოფილებაზე, შეცვალოს სარჩელის საგანი, საქმე დაამთავროს მორიგებით, აღსასრულებლად წარადგინოს სააღსრულებო ფურცელი, ხელი მოაწეროს ორგანიზაციის სახელით ყველა საჭირო დოკუმენტს.

მინდობილობა ძალაშია დღეიდან და მოქმედებს უვადოდ.

მანანა ქოჩლაძე

გამგეობის თავმჯდომარე

ა(ა)იპ „მწვანე ალტერნატივა“